

**UGOVOR O IZVOĐENJU ELEKTROINSTALACIJA SERVER SOBE U CENTRALNOJ ZGRADI
KANTONA SARAJEVO**

I - UGOVORNE STRANE

- 1. NARUČILAC: KANTON SARAJEVO, ZAVOD ZA INFORMATIKU I STATISTIKU
UL. HAMIDA DIZDARA BR. 1.
71.000 SARAJEVO
KOGA ZASTUPA DIREKTOR DINO ŠEHOVIĆ**

- 2. IZVOĐAČ RADOVA: ELEKTING DOO SARAJEVO
NOVA BR. 2.
KOGA ZASTUPA DIREKTOR HAMID MERDŽANIĆ**

II – PREDMET UGOVORA

ČLAN 1.

Naručilac naručuje, a Izvođač preuzima obavezu da za račun Naručioca, a prema uslovima i odredbama ovog Ugovora i na osnovu prihvaćene ponude Izvođača broj: 004/2020 zaprimljene 20.03.2020.god. izvede poslove elektroinstalacija server sobe u Centralnoj zgradi Kantona Sarajevo.

ČLAN 2.

Izvođač se obavezuje da će sve poslove izvoditi na osnovu prethodno usaglašenog i od strane Naručioca usvojenog predmjera i predračuna, te da neće izvoditi eventualne naknadne ili dodatne poslove, iz razloga što su odredbe ovog *Ugovora proizašle nakon provođenja direktnog postupka.*

III – KVALITET I OBIM RADOVA

ČLAN 3.

Izvođač sve ugovorene poslove izvede prema tehničkoj dokumentaciji, predmjeru i predračunu, a u skladu sa važećim propisima, standardima i normativima na ovu vrstu poslova.

ČLAN 4.

Za sve vrste izvedenih poslova na objektu kao i kvalitet izvedenog ukupnog stanja u odnosu na važeće propise, Izvođač je dužan o svom trošku, izraditi i Naručiocu dostaviti odgovorajuću dokaznu dokumentaciju o ispravnosti i kvalitetu izvedenog stanja.

ČLAN 5.

Eventualna odstupanja od izvođenja predmjerom i predračunom, a u pogledu njihovog kvaliteta, moraju biti prethodno odobrena od strane Naručioca uz prethodno provođenje procedure koja je u skladu sa Zakonom o javnim nabavkama (Sl. Glasnik BiH 39/14).

IV – GARANCIJA O KVALITETU

ČLAN 6.

Izvođač daje garanciju na kvalitet izvedenih poslova u trajanju od minimalno 1 (jedne) godine, od dana izvršene primopredaje i tehničkog prijema, a za ugrađeni materijal prema garantnim rokovima proizvođača.

ČLAN 7.

U slučaju naknadne pojave nedostatka u kvalitetu izvedenih poslova, Izvođač je dužan da u roku od 24 (dvadesetčetiri) sata po pozivu Naručioca pristupi njihovom otklanjanju i iste odmah otkloni o svom trošku.

U slučaju da se Izvođač po pozivu Naručioca ne odazove u roku iz stava 1. ovog člana Ugovora, Naručioc stiče pravo da za otklanjanje nedostataka, na račun Izvođača angažuje drugog Izvođača.

ČLAN 8.

U slučaju naknadne pojave nedostataka u kvalitetu izvedenih poslova, u okviru ugovorenog garantnog roka, čijim bi trajanjem bili ugroženi životi ljudi ili prouzrokovane veće materijalne štete nad objektom, opremom ili drugim uređajima u, i oko objekta, Izvođač je dužan da otklanjanju nedostataka pristupi odmah po pozivu Naručioca.

U slučaju da Izvođač to izbjegava Naručilac će postupiti na način predviđen članom 7. ovog Ugovora.

V – CIJENA

ČLAN 9.

Ukupna vrijednost po ovom Ugovoru iznosi:

Ukupno bez PDV-a: 5.951,00 KM

PDV: 1.011,67 KM

Ukupno sa PDV-om: 6.962,67 KM

SLOVIMA: ŠESTHILJADADEVETSTOTINAŠEZDESTVIJE I 67/100 KM

ČLAN 10.

Izvođač nema pravo na promjenu ugovorenih jediničnih cijena poslova, po bilo kom osnovu i u tom smislu jedinične cijene utvrđene predmjerom i predračunom, smatraju se fiksnim i nepromjenjivim.

VI- NAČIN I USLOVI PLAĆANJA

ČLAN 11.

Ugovorne strane su se sporazumjene da Naručilac, Izvođaču izvedene poslove plati na račun:

- Žiro račun br. : 1610000002480010 (Raiffeisen bank d.d.)

ČLAN 12.

Plaćanje će se vršiti na slijedeći način:

- **Po završetku poslova i ispostavljanju okočane situacije.**

Ovlašteno lice Naručioaca dužno je u roku od 5 (pet) dana po prijemu okončane situacije istu ovjeriti i uputiti na dalju realizaciju ili je, u slučaju neispravnosti (manjkavosti) vratiti Izvođaču.

Ovjerenu i potpisanu okončanu situaciju Naručilac je na način predviđen zakonom članom 11. ovog Ugovora dužan *isplatiti izvođaču u roku od 5 (pet) dana*, koji počinje teći danom njene ovjere od strane Naručioaca.

VII – ROK I USLOVI IZVOĐENJA RADOVA

ČLAN 13.

Rok za izvođenje svih ugovorenih poslova u ugovorenom obimu je 5 dana od dana uvođenja Izvođača radova u posao.

ČLAN 14.

Pod uvođenjem Izvođača u posao, u smislu odredbi prethodnog člana, smatra se obaveza Naručioca:

- Da potpiše i ovjeri ovaj Ugovor,
- Da preda izvođaču svu dokumentaciju potrebnu za izvođenje radova (predmjerom radova),
- Da izvođaču radova preda predmetni prostor na izvođenje oslobođen od ljudi i stvari u njemu.

Ugovoreni rok iz člana 13. ovog Ugovora počinje teći danom potpisivanja ugovora, a nakon izvršetka radova će se sačiniti primopredajni zapisnik.

Rukovodioc radova ispred Elekting doo je Munib Šabanović, a navedeni ugovor će pratiti Emir Bubalo ispred Kantona Sarajevo – Zavod za informatiku i statistiku.

ČLAN 15.

Naručilac je dužan da izvođaču, bez naknade omogući korištenje i priključenje na elektroinstalaciju.

ČLAN 16.

Izvođač je odgovoran za:

- Sprovođenje mjera tehničke zaštite na radu u objektima,
- Sigurnost objekta i stvari u njemu za vrijeme izvođenja poslova,
- Sigurnost i zaštitu ljudi, stvari i susjednih objekata i prostora, a u pogledu mogućih posljedica uzrokovanih izvođenjem poslova.

ČLAN 17.

Izvođač je obavezan ukoliko je to potrebno, izvođenje predmetnih poslova, u skladu sa važećim propisima, prijaviti nadležnom opštinskom organu.

VIII – PENALI I KAZNA

ČLAN 18.

U slučaju da Izvođač svoju ugovorenu obavezu ne izvrši u ugovorenom roku i u obimu iz osnovnog predmjera i predračuna, Naručilac stiče pravo na obračun i naplatu kazne za prekoračenje ugovorenog roka u iznosu od 0,5% od izvedene vrijednosti poslova za svaki dan kašnjenja, a najviše 5% od vrijednosti izvedenih poslova.

ČLAN 19.

Ukoliko dođe do kašnjenja ugovorom preuzetih obaveza, ugovorena kazna će biti obračunata konačnim obračunom, a ukoliko dođe do otkazivanja ugovora Naručilac stiče pravo naplate troškova koji su prouzrokovani otkazivanjem ugovora.

IX – IZMJENA ODREDBI UGOVORA, RASKID UGOVORA

ČLAN 20.

Ugovorne strane su saglasne da se odredbe Ugovora mogu mijenjati sporazumno i samo u pisanoj formi, a takav dokument čini sastavni dio ovog Ugovora.

ČLAN 21.

U slučaju da jedna od ugovorenih strana ne izvršava svoje obaveze u cijelosti ili ih izvršava djelimično, i ukoliko takvim neizvršavanjem obaveza čini štetu drugoj ugovorenoj strani, druga ugovorena strana stiče pravo na jednostran raskid Ugovora i naplatu nastale štete.

X – PRELAZNE I ZAVRŠNE ODREDBE

ČLAN 22.

Sastavni dio ovog Ugovora čine:

- Usaglašeni predmjer i predračun poslova,
- Sva druga obostrano usaglašena i ovjerena dokumentacija koja nastane tokom izvođenja radova.

ČLAN 23.

U slučaju spora po ovom Ugovoru, ugovorne strane su dužne isti sporazumno riješiti, a u protivnom saglasne su da prihvataju nadležnost suda u Sarajevu.

ČLAN 24.

Izvršilac nema pravo da zapošljava, u svrhu izvršenja Ugovora o javnoj nabavci, fizička ili pravna lica koja su učestvovala u pripremi tenderske dokumentacij ili su bila u svojstvu člana ili stručnog lica koje je angažovala Komisija za nabavke, nadležna za dodjelu navedenog Ugovora o javnoj nabavci, najmanje šest mjeseci po zaključenju Ugovora.

ČLAN 25.

Ovaj ugovor stupa na snagu danom potpisivanja ugovornih strana.

ČLAN 26.

Ovaj ugovor je sačinjen u 4 (četiri) istovjetna primjerka od kojih po 2 (dva) primjerka za svoje potrebe zadržava svaka ugovorna strana.

NARUČILAC:
KANTON SARAJEVO
ZAVOD ZA INFORMATIKU I STATISTIKU

DIREKTOR:
DINO ŠEHOVIĆ



Broj: 26-11-8650-1/20

Datum: 26.03.2020.god.

IZVOĐAČ:
ELEKTING DOO SARAJEVO

DIREKTOR:
HAMID MERDŽANIĆ



Broj: 32-03/2020

Datum: 26.03.2020.god.